

Pihak Jabatan Agama Islam Perak tidak bertanggungjawab ke atas sebarang penambahan ayat selain daripada kandungan khutbah yang dikeluarkan.

"MERAIH GANJARAN HAJI DAN KORBAN: HARAPAN DAN USAHA" 16 Julai 2021 / 6 Zulhijah 1442

الحَمْدُ لِللهِ الَّذِي أَرْسَلَ رَسُوْلَهُ بِالْهُدَى وَدِيْنِ الْحَقِّ، لِيُظْهِرَهُ عَلَى الدِّيْنِ كُلِّهِ وَكَفَى بِاللهِ شَهِيْدًا. أَشْهَدُ أَنْ لَا إِلَهَ إِلَّا اللهُ، وَحْدَهُ لَا شَرِيْكَ لَهُ. وَأَشْهَدُ أَنَّ مُحَمَّدًا عَبْدُهُ وَرَسُولُهُ. اللهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدًا وَعَلَى آلِهِ وَصَحْبِهِ أَجْمَعِيْنِ. أَمَّا بَعْدُ، فَيَا آيَّهَا اللهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدًا وَعَلَى آلِهِ وَصَحْبِهِ أَجْمَعِيْنِ. أَمَّا بَعْدُ، فَيَا آيَّهَا اللهُمَّ اللهُمَّ صَلِّ وَسَلِمْ وَبَارِكْ عَلَى سَيِّدِنَا مُحَمَّدًا وَعَلَى آلِهِ وَصَحْبِهِ أَجْمَعِيْنِ. أَمَّا بَعْدُ، فَيَا آيَّهَا اللهُمُ اللهُمُ اللهُ وَسَلِيْ وَسَلِمْ وَإِيَّاكُمْ وَإِيَّاكِي بِتَقْوَى اللهِ وَطَاعَتِهِ لَعَلَّمُ ثُولُهُ وَنَ. قَالَ اللهُ تَعَالَى: وَطَاعَتِهِ لَعَلَّمُ اللهُ وَسُورَة البقرة ايات 196)

وَاتِمُوا الْحَجُ وَالْعُمُرَةُ لِلَّهِ (سورة البقرة ايات 66

وَقَالَ تَعَالَى:

فَصَلِّ لِرَبِّكَ وَٱنْحَارُ ٤ (سورة الكوثر ايات 2)

Sidang Jumaat yang dirahmati Allah,

Marilah kita bertakwa kepada Allah SWT dalam erti kata sebenar, dengan melaksanakan segala perintah Nya, dan meninggalkan segala larangan Nya; mudah-mudahan hidup kita senantiasa dilimpahi berkat dan kasih sayang Allah SWT.

Mimbar pada hari ini akan membicarakan khutbah bertema: **MERAIH GANJARAN HAJI DAN KORBAN: HARAPAN DAN USAHA.**

Begitu pantas masa berlalu; kita kini sudah berada pada sepuluh hari pertama Zulhijah, hari-hari penuh keberkatan dan keutamaan hingga Allah SWT bersumpah dalam surah al-Fajr ayat 1 dan 2:



Bermaksud: "Demi waktu fajar. Dan malam yang sepuluh."

¹ Memuji Allah

² Selawat ke atas Nabi Muhammad SAW

³ Pesan Taqwa

⁴ Ayat Al-Quran



Para ahli tafsir mentafsirkan malam yang sepuluh itu merujuk kepada sepuluh hari awal bulan Zulhijah atau sepuluh malam akhir bulan Ramadan.

Pada sepuluh hari pertama Zulhijah, ummah dianjurkan memperbanyakkan amalan-amalan soleh; bersolat sunat, berpuasa sunat, meningkatkan sedekah, membaca al-Quran, berzikir dan melakukan kerja-kerja amal. Bulan Zulhijah, ialah bulan yang telah ditetapkan berlangsungnya Fardu Haji, yang diwajibkan pada ummah yang memiliki kemampuan untuk mengerjakannya sekurang-kurangnya sekali seumur hidup. Ibadah korban juga disunatkan untuk dilakukan pada Hari Raya Aidiladha dan hari-hari tasyrik dari 11 hingga 13 Zulhijah.

Sidang Jumaat yang dirahmati Allah,

Disebabkan dunia sedang menghadapi pandemik Covid-19, Kerajaan Arab Saudi buat tahun keduanya, menetapkan jemaah dari luar Arab Saudi, tidak dibenarkan masuk ke Mekah untuk mengerjakan haji. Sementara itu di dalam negara pula, sebagai langkah kawalan penularan virus Covid-19, dan demi menjaga kemaslahatan umum, ibadah korban turut dihadkan. Berpandukan panduan dari Jabatan Agama Islam Perak, ibadah korban hanya dibenarkan untuk dilakukan di Rumah Sembelihan Jabatan Perkhidmatan Veterinar, di premis-premis yang dibenarkan oleh Jabatan Perkhidmatan Veterinar, serta di perkarangan masjid dan surau. Bilangan sembelihan, dihadkan, 9 ekor lembu atau kerbau dan 14 ekor kambing pada hari pertama Aidiladha; pada hari kedua, ketiga dan keempat, dihadkan kepada 10 ekor lembu atau kerbau dan 16 ekor kambing.

Sidang Jumaat yang dirahmati Allah,

Mimbar memahami ramai yang kecewa kerana terhalang untuk menunaikan rukun haji pada tahun ini, dan ramai pula yang terkilan kerana tidak dapat melakukan ibadah korban.

Adakah kita masih berpeluang mendapatkan pahala menunaikan haji atau pahala melakukan ibadah korban? Ummah jangan terlalu cepat berasa kecewa. Subhanallah! Antara keistimewaan umat Nabi Muhammad SAW, ialah, niat yang tulus ikhlas mahu melakukan ibadah, akan menghasilkan pahala yang sama, dari apa sahaja amalan yang tidak dapat dilaksanakan disebabkan sesuatu kekangan atau kelemahan. Allah SWT berfirman dalam surah an-Nisa' ayat 100:

وَمَن يُهَاجِرُ فِي سَبِيلِ ٱللَّهِ يَجِدْ فِي ٱلْأَرْضِ مُرَاغَمًا كَثِيرًا وَسَعَةً ۚ وَمَن يَخْرُجُ مِنَ بَيْتِهِ مُهَاجِرًا إِلَى ٱللَّهِ وَرَسُولِهِ عَثُمَّ يُدُرِكُهُ ٱلْمَوْتُ فَقَدْ وَقَعَ أَجْرُهُ وعَلَى ٱللَّهِ ۚ وَكَانَ ٱللَّهُ غَفُورًا رَّحِيـمًا



Bermaksud: Barang siapa keluar dari rumahnya dengan tujuan berhijrah kerana Allah dan Rasul Nya, kemudian kematian menimpanya (sebelum sampai ke tempat yang dituju) maka sesungguhnya pahalanya telah ditetapkan di sisi Allah. Dan sesungguhnya Allah Maha Pengampun lagi Maha Penyayang.

Berpandukan hadis-hadis dan *athar*, khatib menyampaikan 10 amalan yang boleh menghasilkan ganjaran pahala yang menyamai fadilat menunaikan haji:

Pertama: Bertasbih, bertahmid dan bertakbir selepas solat-solat fardu.

Kedua: Mengerjakan umrah pada bulan Ramadan.

Ketiga: Solat subuh berjemaah kemudian berzikir kepada Allah hingga terbit

matahari seterusnya melaksanakan solat sunat dua rakaat.

Keempat: Menghadiri solat Jumaat.

Kelima: Keluar ke masjid untuk menunaikan solat fardu.

Keenam: Berbuat baik kepada kedua-dua ibu bapa.

Ketujuh: Keluar mengerjakan Solat Hari Raya.

Kelapan: Memenuhi keperluan orang lain.

Kesembilan: Solat Isyak berjemaah.

Kesepuluh: Melaksanakan segala kewajipan dan memelihara anggota

daripada perkara-perkara haram.

Dalam suasana dunia sedang dilanda pandemik Covid-19, agak sukar untuk kita dapat melaksanakan kesemua sepuluh amalan tersebut, namun jangan pula kita meninggalkan kesemuanya. Berusahalah untuk melakukan sebanyak yang mungkin sepuluh amalan tersebut; kaedah menyebut:

مَا لَا يُدْرِكُ كُلُّهُ لَا يُثْرِكُ كُلُّهُ

Bermaksud: "Sesuatu yang tidak dapat dicapai seluruhnya, jangan ditinggalkan seluruhnya." Kepada Allah kita mohon taufik untuk beramal.

بَارَكَ اللهُ لِيْ وَلَكُمْ بِالْقُرْءَانِ الْعَظِيمِ وَنفَعَنِيْ وَإِيَّاكُمْ بِمَا فِيْهِ مِنَ الْآيَاتِ وَالذِّكْرِ الْحَكِيمِ وَتَقَبَّلَ مِنِّيْ وَمِنْكُمْ تِلَاوَتَهُ إِنَّهُ هُوَ السَّمِيْعُ الْعَلِيمُ. أَقُوْلُ قَوْلِيْ هَذَا وَأَسْتَغْفِرُ اللهَ الْعَظِيمَ لِيْ وَلَكُمْ وَلِسَاعِرِ الْمُسْلِمِيْنَ وَالْمُسْلِمَاتِ وَالْمُؤْمِنِيْنَ وَالْمُؤْمِنَاتِ الْأَحْيَاءِ مِنْهُمْ وَالْأَمْوَاتِ



فَاسْتَغْفِرُوْهُ إِنَّهُ هُوَ الْغَفُوْرُ الرَّحِيْمُ.

Khutbah Kedua

الْحَمْدُ لِلَّهِ وَكَفَى، وَأُصَلِّيْ وَأُسَلِّمُ عَلَى سَيِّدِنَا مُحَمَّدٍ الْمُصْطَفَى، وَعَلَى آلِهِ وَأَصْحَابِهِ أَهْلِ الْوَفَا، أَشْهَدُ أَنْ لاَ اِللهَ إِلاَّ اللهُ وَحْدَهُ لاَ شَرِيْكَ لَهُ، وَأَشْهَدُ أَنَّ سَيِّدَنَا مُحَمَّدًا عَبْدُهُ وَرَسُولُهُ. اللّهُمَّ صَلِّ عَلَى سَيِّدِنَا مُحَمَّدٍ وَعَلَى آلِهِ وَأَصْحَابِهِ وَسَلِّمْ تَسْلِيْمًا كَثِيْرًا. أَمَّا بَعْدُ، فَيَا عِبَادَ اللهِ! اللّهُمُ صَلِّ عَلَى سَيِّدِنَا مُحَمَّدٍ وَعَلَى آلِهِ وَأَصْحَابِهِ وَسَلِّمْ تَسْلِيْمًا كَثِيْرًا. أَمَّا بَعْدُ، فَيَا عِبَادَ اللهِ! اللّهُ وَكُونُوا مَعَ الصَّادِقِيْن.

Hadirin yang dirahmati Allah,

Dalam kalangan ummah yang tidak kesampaian hajat melakukan korban, gunakan wang yang telah diniatkan bertujuan korban, untuk menolong orang-orang yang sedang berada dalam kesusahan; orang-orang yang kehilangan pekerjaan, orang-orang yang terhenti perniagaan dan orang-orang yang terputus sumber pendapatan. Mereka kini berhadapan masalah kewangan untuk membayar pinjaman perumahan atau sewa rumah, atau untuk membayar bil air dan api yang digunakan, malah mereka hidup kais pagi makan pagi untuk menyediakan keperluan makanan anak-anak dan ahli-ahli keluarga. Dilaporkan, ada yang terpaksa menjual alat-alat rumah dengan harga lelongan yang murah, kerana tabung simpanan mereka telah kering. Salurkan bantuan daripada wang yang tidak berpeluang dibelanjakan untuk melakukan korban pada kali ini, bagi membantu saudara-saudara kita yang berada dalam kedaifan yang sangat memerlukan pertolongan. Semoga Allah menerima amal sedekah dan bantuan yang kita lakukan itu, menyamai ganjaran pahala melakukan korban.

Muslimin yang dirahmati Allah,

Semoga Allah SWT akan memakbulkan doa dari rintihan hati kita memohon jangkitan virus Covid-19 segera dihentikan, agar manusia boleh kembali menjalani hidup seperti biasa, berladang dan bersawah, bekerja dan berniaga, anak-anak dan para guru dapat kembali ke bilik darjah, para siswa-siswi dan pensyarah dapat kembali ke dewan kuliah, ummah pula lebih ramai dapat berjemaah di rumah Allah, melakukan umrah - menunaikan haji. Semoga empat hari lagi, kita diberikan usia dan kesihatan, akan dapat bersolat Sunat Aidiladha di

⁵ Memuji Allah

⁶ Selawat ke atas Nabi Muhammad SAW

⁷ Pesan Taqwa



rumah-rumah Allah. Kasihanilah kami, makbulkan doa dan permintaan kami Ya Allah! Amin, Ya Rabbal 'Alamin.

Khatib menyeru para jemaah agar kita tetap berpegang kepada aqidah Islamiah berteraskan ahli Sunnah Waljamaah, yang menjadi warisan Rasulullah SAW, sahabat dan tabiin, hingga ke hari ini. Jagalah hubungan dengan Allah SWT dan sesama manusia. Makmurkanlah rumah-rumah Allah dengan istiqamah mengerjakan ibadah, terutamanya solat fardu berjemaah.

إِنَّ ٱللّهَ وَمَلَتْ عِلَى مُحَمَّدٍ عَلَى ٱلنَّبِيِّ يَتَأَيُّهَا ٱلَّذِينَ عَامَنُواْ صَلُّواْ عَلَيْهِ وَسَلِّمُواْ تَسَلِيمًا اللّهُمُّ صَلِّ عَلَى مُحَمَّدٍ عَلَى آلِ مُحَمَّدٍ كَمَّ صَلَّىتَ عَلَى إِبْرَاهِيمٌ وَعَلَى آلِ إِبْرَاهِيمٌ وَعَلَى آلِ إِبْرَاهِيمٌ وَعَلَى آلِ إِبْرَاهِيمٌ وَعَلَى آلِ إِبْرَاهِيمٌ فِيْ الْعَالَمِينَ إِنَّكَ حَمِيْدٌ مَجِيدٌ. مُحَمَّدٍ وَعَلَى آلِ مُحَمَّدٍ كَمَا بَارَكْتَ عَلَى إِبْرَاهِيمٌ وَعَلَى آلِ إِبْرَاهِيمٌ فِيْ الْعَالَمِينَ إِنَّكَ حَمِيدٌ مَجِيدٌ. اللّهُمُ اغْفِرْ لِلْمُسْلِمِینَ وَالْمُوْمِنِینَ وَالْمُوْمِنَاتِ ، وَأَصْلِحْ ذَاتَ بَیْنِم وَأَلِّف بَیْنَ اللّهُمُ الْمِینَ وَالْمُوْمِنِینَ وَالْمُوْمِنِینَ وَالْمُوْمِنَاتِ ، وَأَصْلِحْ ذَاتَ بَیْنِم وَأَلِّف بَیْنَ قَلُومِمُ الْإِیْمَانَ وَالْحِکْمَة، وَثَیّتُهُمْ عَلَى مِلَّةٍ رَسُولِ الله ﷺ. فَلُومِمُ الْإِیْمَانَ وَالْحِکْمَة، وَثَیّتُهُمْ عَلَى مِلَّةٍ رَسُولِ الله ﷺ. فَلَسْطِینَ، وَفِي اللّهُمُ انْصُرِ الْإِسْلَامَ وَالْمُسْلِمِیْنَ خُصُوصًا فِیْ فَلَسْطِینَ، وَفِی كُلِّ وَمَان وَفِیْ كُلِّ زَمَان.

اللَّهُمُّ ادْفَعْ عَنَّا البَلَاءَ، وَالوَبَاءَ، خُصُوصًا وَيرُوْسَ الكُورُونَا، وَالغَلَاءَ، وَالمِحَنَ، وَالفِتَنَ، مَا ظَهَرَ مِنْهَا وَمَا بَطَنَ، عَن بَلَدِنَا هَذَا خَاصَّةً، وَعَن سَائِرِ بُلْدَانٍ عَامَّةً.

Ya Allah, berkatilah hamba-hamba Mu yang melaksanakan tuntutan zakat dan menghulurkan wakaf, kurniai mereka rezeki yang berlipat ganda, serta sucikanlah harta dan jiwa mereka. Jauhkanlah golongan *fuqara* dan *masakin* daripada kekufuran serta dihindari mereka daripada kefakiran yang berpanjangan.

Ya Allah, berilah kami kebaikan serta keberkatan di dunia dan di akhirat. Peliharalah kami daripada seksa dan azab api neraka.

⁸ Ayat Al-Quran

⁹ Doa untuk Kaum Muslimin



Ya Allah, kurniakanlah taufik dan hidayah Mu ke atas Raja kami, Duli Yang Maha Mulia Paduka Seri Sultan Perak Darul Ridzuan, Sultan Nazrin Muizzuddin Shah Ibni Almarhum Sultan Azlan Muhibbuddin Shah Al-Maghfur-lah, dan Raja Permaisuri Perak Darul Ridzuan Tuanku Zara Salim serta kerabat diraja dan seluruh rakyat jelata.

رَبُّنَآ ءَاتِنَا فِ ٱلدُّنْيَا حَسَنَةً وَفِي ٱلْآخِرَةِ حَسَنَةً وَقِنَا عَذَابَ ٱلنَّارِ

فَيَا عِبَادَ اللهِ، ﴿ إِنَّ اللهَ يَأْمُرُ بِٱلْعَدْلِ وَٱلْإِحْسَنِ وَإِيتَآيِ ذِى ٱلْقُـرُنِيَ وَيَنْهَى عَنِٱلْفَحْشَآءِ وَٱلْمُنكَرِ وَٱلْبَغْيِ يَعِظُكُمُ لَعَلَّكُمُ وَتَذَكَّرُونَ ﴾ فَاذْكُرُوْا اللهَ الْعَظِيْمَ يَذْكُرُكُمْ، وَاشْكُرُوْهُ عَلَى نِعَمِهِ يَزِدْكُمْ، وَاسْأَلُوْهُ مِنْ فَضْلِهِ يُعْطِكُمْ، وَلَذِكْرُ اللهِ أَكْبَرُ، وَاللهُ يَعْلَمُ مَا تَصْنَعُوْنَ.